



WESTERN OJIBWE

Oshki-aakoziwin (GOOBID-19) Ozhiitaan wiindamaage-mazina'igan

Gaanada Akiing aazha ozhiitaawag mino-ayaawining gaa-anokiiwaad giishpin ani-aakoziwaad niibiwa awiyag, giyaabi dash awiyag gaye gaye dazhiikewinan daa-ozhiitaawag ji-nepemiwaad maagizhaa gichi-aakoziing omaa.

NIIGAAN INENDAN

Naanaagadawendan aaniin ge-izhichigeyin giishpin giin gemaa gidinawemaagan aakozid, awenen ge-naagaji'iwed. Owe naanaagadawendan:

- Gi-ga-andawendaanan miijiman gaye godak aabajichiganan endaaayin.
- Wegonen mashkikiwan ge-aabajitooyin, gi-daa-gagwe-ondinaanan niigaan jibwaa-igooyin ngoji ji-izhaasiwan.

Gaganoosh gidinawemaaganag gaye giwijiwaaganag, ji-ikidoyeg ji-ganoonidiyeg giigidowining gaye daataanginigan giishpin maanzhised awiya gemaa aakozid.

Ozhiitaan

Nepem ayaan ge-aabajitooyin gaawiin dash memwaach ji-zaaga'aman aakoziyin. Gii-ando-adaaweyin gegoon, maanoo niibiwa gegoon adaawen. Nawach da-minose owe izhichigeyin, gaawiin gaye aapiji gi-ga-gichi-jaaginigesii.

Ge-aabajitooyin:

- Gaa-baateg maakanooni daabishkoo gaye waabishki-manoomin
- Ispagedii oginii-dagozekwaan
- Gaa-bikwaabikizhigaadegin miijiman
- Animosh gemaa boozh ge-miijid ge-aabajitood
- Ikwewag gaa-aabajitoowaad
- Gaa-dakwanjigaadeg
- Aanziyaanan
- Giziibiiga'igan
- Ishpodewaaboong gaa-onjiozhichigaadeg gisiinigan 60% gaa-ayaamagak





- Dewikwe-mashkikiwag (ge-aabajitoowaad gichi-ayaag gaye abinoojiiyag)
- Ziinskiigome'on
- Giziindime'on
- Gaa-webinindwaa giziinaaganag
- Gaa-zhaabobiisinogin mashkimodan
- Giziinaaganewaabo
- Giziibiiga'igewaabo
- Gaa-aabajichigaadegin giziiniganan endaayin
- Ge-giziinigaageyin, gemaa, (5%) gaa-aakomaagwak giziinigan gaye ge-izhi-ziiginaman ji-atooyin nibi gaye.

Mino-ayaan, gego gaye aazhoo'iweken

- Maanoo waasa onji-niibawig apane.
- Giziibiiga'igan gaye giizhoogami-nibi ji-aabajitooyin 20 daso-diba'iganensens.
- Ginagwaying izhi-ososodan gemaa jaachaamon.
- Michi-waawaata'igen waabamad awiya, gego zagininjiiniweken gemaa ji-ojiimad.
- Gego izhaaken gaa-izhi-baatiinowaad awiyag, baaamaa agaasiinowaad izhi-ando-babaamadaawen.
- Wiindamaw igi gaa-aakoziwaad ji-abiwaad endaawaad baamaa ishkwa-inamanji'owaad ji-izhaawaad ngoji.
- Giishpin aakoziyin, abin endaayin baamaa ishkwa-aakoziimanji'oyin. Wiindamaw mashkikiwikwe gemaa mino-ayaawin gaa-naagajitood aaniin enamanji'oyin. Gi-ga-wiindamaagoog aaniin ge-izhichigeyin.
- Ngoding awiyag aazhoo'iwewag iwe GOOBID-19 aanawi gaawiin gegoon inamanmi'osigwaa. Giishpin gigishkaman aagwiingwepizon daabishkoo gaa-michi-ozhichigaadeg dinookaan (niizhweg bagwaaniiginong onji-ozhichigaadeg, ozhichigaadeg ji-aagawising gijaaning gaye gidooning gaawiin ji-baakiigising, gaye gitawagaang ji-izhi-naabising) gi-daa-aazhoo'aasiwag awiyag.

GIKENDAN ENAKAMIGAK

Giiyaabi wii-gikendaman owe aakoziwin omaa izhigiigidon:

1-833-784-4397

canada.ca/coronavirus

ID 04-12-01 / DATE 2020.06.01